



पर्यटकके रोजाइमे आमपानीके भरना पथरी गाउँमे रातसम डिजे बजाइ नैपैना

पहुरा समाचारदाता

घोडाघोडी, २८ अगहन । टिकटक ओ भिडियोमार्फत चर्चा पाइल आमपानी क्षेत्रमे पर्यटकके भिडभाड लगना करल बा । कबुकाल किल पर्यटक जैना आमपानीमे आजकल पर्यटक खाली नैरहै । कोड अटो लेके, कोड बरसमे टे कोड मोटरसाइकलमे आमपानी पुग्ना करै । आमपानी लम्कीसे आठ किलोमिटर उत्तरओर चुरेक फेदीमे रहल प्राकृतिक रमणीय रहल बा ।

आमपानी घुमे ओ वनभोजके लाग आइल टैंगनौहवा महिला सामुदायिक बन्वाके सचिव राधा पाण्डे एकान्त जंगलभिट्टर रहल आमपानी क्षेत्र रमणीय रहल बटैलै । उहाँ समूहके ७० जाने उपभोक्ता आमपानी घुमे आइल जानकारी डेलै ।

पर्यटकके भिड बहे लागलपाछे आमपानीमे फोहोर बहे लागल बा । वनभोज ओ घुमे अउइया पर्यटक खेनाचीजसंगे लानल प्लास्टिकजन्य वस्तुके उचित व्यवस्थापन हुइ नैसेकल सचिव पाण्डे बटैलै । उहाँ सामुदायिक बन्वासे वनभोज खाइ अउइयासंगे कुछ शुल्क उठाके हुइलेसे फेन फोहोर व्यवस्थापन कैना सुभाबसमेत डेलै ।



कैलालीके मोहन्याल गाउँपालिकामे रहल आमपानी पाछेक समय चर्चामे रहल पर्यटकीय क्षेत्र हो । मोहन्याल गाउँपालिका-७ मे पर्ना बर्गदा सामुदायिक वनक्षेत्रमे रहल आमपानी प्राकृतिक भरनाहे कृत्रिम निर्माणसे आउर आकर्षक

बनाइलपाछे पर्यटकके आकर्षण बढ्ती गेल स्थानीय बटैलै ।

कोरोना सङ्क्रमणकालमे प्राकृतिक चुरे पहाडके फेदीमे रहल भरनाके सामाजिक सञ्जालमे भिडियो भाइरल हुइलपाछे उक्त क्षेत्रमे जउइयाके संख्या

बहे लागल हो । लम्कीचुहा नगरपालिका-१ के दधिराम चापाई मजा डगराके सुविधा फेन नैरहल आमपानी चर्चामे आइलपाछे अब्बे ढेर विकासनिर्माणके काम हुइल बटैलै । उहाँ कहलै, “अबबे वहाँ पर्यटकके लाग जैना सजिल होए कहिके पैदलमार्ग, वनभोज स्थल, शौचालय बनल बा । भरना रहल ठाउँसम गाडीमे सजिले जाइ सेकजाइट ।” मोहन्याल गाउँपालिकामे रहल चर्चित पर्यटकीय स्थल राजकाँडा जैना डगरामे आमपानी परट ।

अन्य बारसे विदाके दिन ओ शनिचरके उक्त क्षेत्रमे पर्यटकके भिडभाड हुइना करट । कैलालीलागत आसपासके जिल्लासे वनभोज खाइ, भरनामे लहाइक लाग रमाइलो करे ढेर पर्यटक आमपानी अइना करल चापाई बटैलै । लावा गन्तव्य क्षेत्रके रूपमे रहल पर्यटकीय स्थलमे प्रदेश सरकारके अनुदान सहयोग रहल बा ।

पर्यटकके रोजाइमे आमपानी परे लागलपाछे व्यवस्थित कैना सरकारसे चासो डेहल मोहन्याल गाउँपालिकाके अध्यक्ष देवीदत्त उपाध्याय बटैलै । सुदूरपश्चिम प्रदेश सरकारके पर्यटन प्रवर्धन कार्यक्रम अन्तर्गत भरनाके पूर्वाधार निर्माणमे सहयोग करल हो । बर्गदा सामुदायिक वनके कार्यालय सचिव ध्वजबहादुर शाही कहलै, “यी ठाउँ पहिले फेन प्रकृतिप्रेमीके लाग लोकप्रिय रहे, भरना निर्माणपाछे भर आन्तरिक पर्यटकके संख्या भन बहल बा ।”

पदमार्ग ओ ढेर जाने लहाइ मिला भरनाके जग निर्माणके लाग ३६ लाख रुपियाँ खर्च करल उद्योग, पर्यटन, वन तथा वातावरण मन्त्रालय अन्तर्गतके प्रदेश पर्यटन कार्यक्रम कार्यान्वयन एकाइ प्रमुख डबलबहादुर बोहोरा बटैलै । आमपानी पर्यटन क्षेत्रहे व्यवस्थित कैना जिम्मा सामुदायिक वन उपभोक्ते समितिहे डेहल बा ।

भोज-विहामे हुइना विकृतिहे सुधार कैना निर्णय



सीताराम चौधरी भलमन्सा

पहुरा समाचारदाता

धनगढी, २८ अगहन । धनगढी उपमहानगरपालिका वडा नम्बर १७ पथरी गाउँमे भोजविहाके समय आधारतसम जोर जोरसे डिजे बजाइ ओ खाइपिये नैपैना हुइल बा ।

शनिचरके रोज गाउँमे हुइल भेलासे भोजविहामे आधारतसम डिजेबाजा बजैटी नाचगान कैना ओ खापापिके होहल्ला करे नैपैना निर्णय करल हो । गाउँक भलमन्सा सीताराम चौधरी गाउँक भेलासे आधारतसम डिजे बजैना ओ खानपिनमे बन्देज कैना निर्णय करल बटैलै ।

उहाँ उहीसे गाउँमे होहल्ला हुइनाके

साथे भैरगडा फेन हुइ सेक्ना मध्य नजर कैटी ओइसीन निर्णय करल जानकारी डेलै ।

ओस्टके उहाँ रातसम खानपिन कैनासे भोजहा घरक आर्थिक भार फेन बहना हुइल ओरसे गाउँक सक्कु जनहनके सहमतिमे निर्णय करल बटाइल हुइल । उहाँ कहलै, “भोजविहामे ओइसे फेन ढेर खर्च लागठ, रातसम डिजे बजैटी खानपान कैनासे होहल्ला, भैरगडा फेन हुइ सेकट । विपन्न, मुक्त कमैया परिवारहे आर्थिक समस्या फेन परल ओरसे गाउँक सक्कु किसानके सहमति अनुसार यी निर्णय करल हो ।”

संवेदनशील मतदान केन्द्रके अनुगमन

पहुरा समाचारदाता

धनगढी, २८ अगहन । आगामी फागुन २१ गते हुइना प्रतिनिधि सभा निर्वाचनके लाग कैलालीमे मतदान स्थल अनुगमनहे तीव्र बनाइल बा ।

जिल्ला सुरक्षा समिति कैलालीसे जिल्लाके मतदान स्थल ओ सुरक्षासम्बन्धी जानकारी लेनाके साथे सुरक्षा योजना निर्माणके लाग कहटी अनुगमन तीव्र

बनाइल हो । सुरक्षाके हिसाबसे संवेदनशील सूचीमे रहल कैलाली जिल्लाके १०६ मतदान स्थलमे अनुगमन हुइटी रहल प्रमुख जिल्ला अधिकारी एवं सुरक्षा समितिके संयोजक हिरालाल रेग्मी जानकारी डेलै ।

जिल्लामे सुरक्षा समिति गठन हुइलसंगे समितिसे नै अनुगमनमे तीव्रता डेहल हो । (बाँकी ३ पेजमे)



पहुरा समाचारदाता

धनगढी, २८ अगहन । कैलालीमे होटेल क्षेत्रके समस्या समाधान कैना सामूहिक प्रतिवद्धता करल बा । कैलाली उद्योग वाणिज्य संघके आयोजनामे करल सुदूरपश्चिम महोत्सवमे भिजन सुदूरपश्चिम कार्यक्रमके ‘सुदूरपश्चिममा होटेल व्यवसाय: लगानी, समस्या ओ भ्रमशक्ति’ विषयक बहसमे बोल्टी सरोकारवाला निकायसे उ प्रतिवद्धता जनाइल हुइल ।

कैलालीके प्रमुख जिल्ला अधिकारी हिरालाल रेग्मी, होटेल व्यवसायी संघ कैलालीके अध्यक्ष केशवदत्त पाण्डेय ओ एसोसिएसन अफ हस्पिटालिटी ट्रेनिड इन्सिच्युट कैलाली अध्यक्ष कमल पनेरसँग करल बहस कार्यक्रममे सरोकारवाला निकायके प्रतिनिधिसमेतसे उ प्रतिवद्धता जनाइल हुइल ।

बहसमे बोल्टी होटेल व्यवसायी संघ कैलाली अध्यक्ष पाण्डेय नेपाल सरकारके नीतिके कारण होटेल व्यवसायी उपर उठे नैसेकल बटैलै । उहाँ कहलै, ‘सरकारी नीति परिमार्जित करे परल ।’ एसोसिएसन अफ हस्पिटालिटी

होटेल तथा प्रदेशमे पर्यटन लक्षित स्थापना करल बरवार होटेलसे स्थानीय तह, प्रदेश सरकार ओ संघीय सरकारहे तेहोरो कर टिरे पर्ना । मने, सरकारसे डेहे पर्ना सेवा सुविधामे भर डेहे नैसेकल गुनासो उहाँ पोखलै । ‘देशके प्रायःजैसिन प्रादेशिक बरवार सहरमे रात्रिकालीन बजार रलेसे फेन सुदूरपश्चिम प्रदेशके राजधानी रहल धनगढीमे भर होटेल व्यवसायहे रात १० नैबज्टी बन्द करैना मजा नैहो,’ उहाँ कहलै, ‘ओकर लाग यहाँके स्थानीय प्रशासनसे समय थपे परल ।’ उहाँ होटेल व्यवसायीसे यहाँके भ्रमशक्ति अपने क्षेत्रमे रोकक लाग फेन बरवार योगदान डेहल उहाँ बटैलै । ‘सुदूरपश्चिममे किल होटेल क्षेत्रमे २५ अब ढेर लगानी हुइल ओ ५० हजार जनहनहे रोजगारी डेले बा,’ उहाँ कहलै, ‘सरकारसे युवाहे स्वदेशमे रोके नैसेकल अवस्थामे होटेल व्यवसायी अटरा ढेर युवाहे रोजगारी डेहल ओरसे सरकारसे फेन होटेल व्यवसायीके समस्या समाधान कैना पहल करे परल ।’

ट्रेनिड इन्सिच्युट कैलाली अध्यक्ष कमल पनेर सुदूरपश्चिमके होटेलमे दक्ष जनशक्ति उत्पादन कैटी आइल बटैलै । उहाँ कहलै, ‘हमे यहाँके होटेल व्यवसायीहे लक्षित कैटी दक्ष जनशक्ति उत्पादन करले बटी । मने, उहाँहुनके दक्षता अनुसारके पारिश्रमिक पाइ सेकल नैहुइल ।’ पाछेक बरसमे धनगढीमे किल ढेर कफी हाउस तथा क्याफे सञ्चालनमे आइल बटैटी उहाँ यहाँक तालिम लेहल कामदार स्वरोजगार बन्टी रहल बटै । (बाँकी ३ पेजमे)



BADRI PANGENI | TEK BC | BHARAT BOHARA | RAMESH RAJ BHATTARAI | DHWAJ MAHARA

पर्यटन, संस्कृति, उद्योग र व्यापार: समुद्र सुदूरपश्चिमको आधार । धनगढी उप-महानगरपालिका-१ पशुपतिटोल

स्माईल चौधरीसे प्रकाशित

सठपाढक : प्रेम चौधरी (९८४८४२२९०७)

कार्यकारी सठपाढक : राम दहित (९८४८४९४५१८)

भाषा सल्लाहकार : दिलबहादुर चौधरी

पहुडा सठपाढक : कृष्णराज सर्वहारी

कागुली सल्लाहकार : अधिवक्ता जोहारीलाल चौधरी

व्यवस्थापक सल्लाहकार : राजकुमार चौधरी

प्रधान कार्यालय: धन.पा.- ८, शिवनगर, कैलाली (नमस्ते सहकारी भवन)

मसुरिया शाखा: दिनेश दहित (९८१२६४१६०१)

पहलमानपुर शाखा: जीवन चौधरी (९८४७४०१८८७/९८२५६२९३०५)

प्रधान कार्यालय धनगढी

E-mail: dailypahura@gmail.com,

Website: pahura.com

मुद्रक : समेजी अफसेट प्रेस, बेहडी, धनगढी

अवैध लागुऔषधसहित दुईजाने पक्राउ

पहुरा समाचारवाता धनगढी, २८ अगहन । धनगढी उ.म.न.पा.७ देवरिया गौडी टोलसे एक जाने अवैध लागु औषधसहित एक जाने नियन्त्रमे आइल बा ।

से ४ प ५०३ नम्बरके मोटरसाइकलहे शंका लागके चेकजाँच करेबेर मोटरसाइकल चालक वडा नम्बर १६ बेहडावाबा बैठना वर्ष ३५ के लोकेन्द्र कठायतके ठेनसे ३१० मिलिग्राम लागुऔषध खैरो हेरोइनसहित पक्राउ करल हो ।

जिल्ला प्रहरी कार्यालय कैलालीसे

संधियारको नाममा जारी १५ दिने सूचना

यस उपमहानगरपालिकाको वडा नम्बर ६ स्थित कित्ता नं. ११९० क्षेत्रफल ४५० वर्गमिटरमा भवन निर्माण गर्ने घरधनी श्री सिद्धराज जोशीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पुर्व: मोतीराम उपाध्याय पश्चिम: युवराज जोशी

उत्तर: देवीराम उपाध्याय दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

श्रम तथा रोजगार कार्यालयको जनहितमा जारी सन्देश

जानहितमा जारी सन्देश

• श्रम तथा रोजगार कार्यालयको जनहितमा जारी सन्देश

• रोजगार सम्झौता गरेर मात्रै काममा लागौ र लगाऔ ।

• औपचारिक तथा अनौपचारिक क्षेत्रका सम्पूर्ण श्रमिकको न्यूनतम ज्याला रु. १९,५५०/- अनिवार्य रुपमा कायम गरौ/गराऔ ।

• समान कामको समान ज्याला लैगिक आधारमा पारिश्रमिकमा विभेद गर्नु कानूनी अपराध हो ।

• कार्य स्थलमा श्रमिकलाई सुरक्षाका उपकरणहरू उपलब्ध गराई काममा लगाऔ, लैगिक हिंसाको अन्त्य गरौ ।

• बालश्रम कानूनी रुपमा दण्डनिय अपराध हो । बालश्रम नगरौ/नगराऔ ।

• श्रम अडिट प्रत्येक वर्षको पौष मसान्तभित्र अनिवार्य रुपमा पेश गर्नु/गराउनु उद्योग/प्रतिष्ठानको कर्तव्य हो अन्यथा नियमानुसार कारवाही गरिने छ ।

• असल श्रम सम्बन्धको आधार सामाजिक सुरक्षा र रोजगार औद्योगिक दुर्घटना न्यूनीकरण गरौ व्यवसायजन्य रोग लानबाट बचौ ।

• श्रम ऐन, २०६४ र नियमावली, २०७५ को पूर्णरुपमा कार्यान्वयन गरौ ।

• वैदेशिक रोजगारीमा जाँदा अनिवार्यरुपमा श्रम स्वीकृति गरेर जाऔ ।

श्रम तथा रोजगार कार्यालय

धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ३ विशालनगर स्थित कित्ता नं. १४६६ क्षेत्रफल २२०.०९ वर्गमिटरमा भवन निर्माण गर्ने घरधनी श्री हेमाकुमारी लेखकले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पुर्व: मिनबहादुर शाही पश्चिम: कुमारी जानकी जोशी

उत्तर: रामदाश राना दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संविधान संशोधन अत्यावश्यक

धेरै मेहनतपाछे नेपालकें संविधान जारी हुइल बिचार टमान चो ढेर ठाउँमें व्यक्त हुइल बा । यी सम्बन्धमें फेन चर्चा करटिरहल आवश्यक नैहुइल । सार बाट यी संविधान नेपाली जनतासे नेपाली जनतामें निहित रहल सार्वभौमसत्ता प्रयोग कैंके जारी करल हो । भदौ २३ गते नयाँ पुस्ता (जेनजी) से आह्वान करल आन्दोलनपश्चात् हाल नेपाल सरकार ओ जेनजीबिचमें हुइल सम्झौतासे नेपालकें संविधानहे और प्रभावकारी कार्यान्वयन करना आवश्यक संशोधनसमेत करे सेक्ना बाट उल्लेख बा । यी संविधान संशोधनके बाट जेनजी आन्दोलन आगे फेन कैंचो उठल रहे ।

प्रचण्डके प्रधानमन्त्रीकालमें कैंचो संविधान संशोधनके माग ढरगिल । उहाँसे संविधान संशोधनओर ध्यान नैडेके किल नैहो, यी पाण्डुरा बक्स खोलल जस्टे रहठ । प्रतिक्रियावादीसे फेन कपार उठाइठ, टबमारे यी विषय अब्बे करे नैपरना कहिके ओठे जवाफ डेलैं । प्रतिक्रियावादीहे संरक्षण टे यी दलके नेतासे बारम्बार करल सर्वविदिते बा । पूर्वप्रधानन्यायाधीश कल्याण श्रेष्ठसे टमान कार्यक्रमसे संविधान संशोधनके बारेमें छलफल करि कहिके कैंचो कले रहे । अधिकांश सचेत नागरिकसे संविधान संशोधनके चर्चा ठाउँ ठाउँमें करल हो । हम्रे संसदे फेन संविधान संशोधनके माग उठाइल हो । यिहिने पूर्ण तथा बेवास्ता सत्तामें बैठिटि आइल फने सबहे जाता बा । अब्बे जेनजी पुस्तासे फेन संविधानके निरन्तर कार्यान्वयनके माग साथे संशोधनके माग फेन आगे बहल बा । संविधान संशोधनसंग कोइ फेन तसरेपरना अवस्था नैहो । संसारमें संविधान प्रायः सब देशमें संशोधन हुइल पैठि । छिमेकी देश भारतमें १०३ चोसे ढेर संशोधन हासेकल बा । संसारके शक्तिशाली कहल देश अमेरिकामे फेन चार दर्जन चोसे ढेर संविधान संशोधन होसेकल बा । १० हजारसे ढेर संशोधनके प्रस्ताव सिनेटमें तामेलीमे रहल बा । संसदीय व्यवस्था से फरक व्यवस्था रहल चीनके संविधान फेन चाइनिज क्यारेक्टरके सोसिलिजमहे हेरिट वहाँके कांग्रेस सन् १९८८ से २०१८ सम कैंचो संशोधन हुइल बा । अर्थात् संसारके जौनफेन व्यवस्थामे फेन समयसापेक्ष संविधान संशोधन सामान्य प्रक्रिया हो कना बुझाइ बा ।

नेपालमें भर संविधान संशोधनहे कुछ जटिल जस्टे मानल संविधान नयाँ बनैना प्रचलन बैठगिल । चीन ओ भारतमें १९४९ मे बनल संविधान आजसम चलल बा । नेपालमें आजसम सात ठो संविधान आसेकल बा । यकर मतलब संविधान संशोधन नैहो, नयाँ संविधान बनाइबेर देशके राजनीति अस्थिर हुइल पुगल सबजे देखल बा । राजनीति स्थिर बनैना संविधान नयाँ नैहो रहल संविधान संशोधन करटि जैना हो । भारतमें १०३ चो

संविधान संशोधन हुइल चीनमें पाँच चो संविधान संशोधन हुइल । यी दुनु देशमें फरक फरक बिचारके शासन व्यवस्था बा । टबफेन संविधान बदल नैहोके संशोधन करना हो कना बाटमें दुनु देश एक मत डेखैठैं । कानुन भूत वा भविष्य लक्षित नैहोके वर्तमान अवस्था लक्षित हुइना आवश्यक बा । कानुन जब फेन यथास्थितिवादी रहठ । समाज एकडम परिवर्तनकारी रहठ । समाज अनुसार कानुन बनाइ परठ ।

संविधान मूल कानुन हो । यसर्थ वर्तमान सन्दर्भ अनुसार संविधान संशोधन अपरिहार्य बा । संविधान बदल्ना कार्य क्रान्तिसे हुइठ । संविधान संशोधन वा

निर्वाचनपाछे यथास्थितिवादी वा प्रतिक्रियावादी वा पश्चगमनवादीहे जनतासे जानबुझे हेरैना ओ जेनजी, प्रगतिवादी, अग्रगामीहे जितैना कार्य जनता करे परना रहठ । नैकरलेसे मुलुक फेन अधोगतिओर जाइ । विगतके आन्दोलनका ओ जेनजी आन्दोलनके सहिदप्रति गद्दारी करल पुष्टि हुइठ । दोष मतदातामें जाइठ । टबमारे हम्रे २०४३ ओर कना करि । 'चुनावमें न्याय जनता करठ, राजनीतिमें सेवा प्रतिनिधि करठ, नैकरना प्रतिनिधि जनता बदलठ ।'

अब्बेक नेपालहे परल आपत् इमानके खडेरी हो, पुरान दल थोत्रा हुइल, नयाँ दल स्थापित नैहुइल । पुरान बिगल, नयाँ

क्रान्तिकारी, परिवर्तकारी वा प्रगतिशील आन्दोलन सञ्चालन ओ परिचालन जनमुखी मेरिक करलेसे फेन कुछ पुस्ताके जीवन ओस्टे खेर गैल । अब्बेक अवस्था हजारमें ६६६ जत्रा काम करलेसे फेन धनी हुइ नैपैना अवस्था बा । मिलाके गरिब बनाइल किसान, मजदुर ओ महिलाके विरुद्धमें एक हजारमें एक जाने कामे नैकरलेसे फेन धनी बने पाइल शोषक शासक समाजमें बहल बटैं । यहाँ काम कलेक हातसे भुँइमे बनैना वा फरैना काम कना सम्भे परठ । बाट करना, बिचौलिया करना, दलाली करना काम नैहो यी टे अपराध हो । अब्बे समाजमें अइनके हालिमुहाली बा । शासनमें हजारमें ६६६ शासित ओ एकजाने शासक हुइल बटैं । भर्तीके सारा पद दलीय भागबन्डामे हुइल बा । फेन चुनाव धाँधली पद-आश्वासन-पैसा (प+आ+पै=पापै) से हुइल कलेसे समाज ओर बिग्रठ । यम्ने नेपालके दल, सरकार खास कैंके जनता सचेत हुइना आवश्यक बा । यीपाछे मतदाताके प्रतिनिधिउपपर शासन करना जनमुखी सिद्धान्त स्थापित हुइठ । यी कार्य राज्य पदाधिकारीसे यज्ञ करल जस्टे कैंके करेपरना अवस्था बा । जे कुछ सहजिल कहल नैहो । मतदाताके खोजाइमे नतिजा जन्मठ । मतदाताके बोलीमें व्यवहार जन्मठ । टबमारे सही उपचार मतदातामें हुइठ । उ उपचार निर्वाचनमार्फत हुइठ । उल्लेखित सिद्धान्तके आधारमें फागुन २१ मे चुनाव ओ ओकरपाछे नयाँ नेतृत्वके सरकार ओ संविधान संशोधनसहितके मार्ग पहिल्यइना श्रेयस्कर बा ।

परिमार्जन कार्य जनप्रतिनिधिसे हुइठ । अब्बे जनप्रतिनिधि नैहो । यी व्यवस्थामे संसद्हे जनप्रतिनिधि कहिजाइठ, संविधान संशोधनके मामिलामे । अइसिन अन्योलके स्थितिमें संविधान संशोधन अपरिहार्य बा । संशोधन करना जनप्रतिनिधि नैहो । निर्वाचन मिति तोकल बा । ओहे मितिमें निर्वाचन हुइना जरुरी बा । यी बिचमें संविधान संशोधन करना कठिन बा । समयाभाव फेन डेखाइठ ओ जनप्रतिनिधिके फेन अभाव बा । यकर लाग संविधान सुधार सुभाव आयोग बनाके ओकर प्रतिवेदनहे निर्वाचनपाछेक संसद्से संशोधन करना सहमति वा सम्झौता हुइना वाञ्छनीय डेखाइठ ।

वैकल्पिक हुइ नैसेकि । जीवनके टमान लम्मा लगभग ९० प्रतिशत आयु जनता ब्युक्कैना कार्यमें समर्पित हुइलहे जीवनके उत्तरार्धमें श्रम ओ भूठके प्रहारसे सिकार करे लागल । अइसिनमें एक उखान रहठ । 'कालुके कमाइ भालु खैना मण्डसे तन्त्रमें देश ओ समाज सप्रे नैमिलठ ।'

क्रान्तिकारी, परिवर्तकारी वा प्रगतिशील आन्दोलन सञ्चालन ओ परिचालन जनमुखी मेरिक करलेसे फेन कुछ पुस्ताके जीवन ओस्टे खेर गैल । अब्बेक अवस्था हजारमें ९९९ जत्रा काम करलेसे फेन धनी हुइ नैपैना अवस्था बा । मिलाके गरिब बनाइल किसान, मजदुर ओ महिलाके विरुद्धमें एक हजारमें

विचार

रामनारायण बिडारी

एक जाने कामे नैकरलेसे फेन धनी बने पाइल शोषक शासक समाजमें बहल बटैं । यहाँ काम कलेक हातसे भुँइमे बनैना वा फरैना काम कना सम्भे परठ । बाट करना, बिचौलिया करना, दलाली करना काम नैहो यी टे अपराध हो । अब्बे समाजमें अइनके हालिमुहाली बा । शासनमें हजारमें ९९९ शासित ओ एकजाने शासक हुइल बटैं । भर्तीके सारा पद दलीय भागबन्डामे हुइल बा । फेन चुनाव धाँधली पद-आश्वासन-पैसा (प+आ+पै=पापै) से हुइल कलेसे समाज ओर बिग्रठ । यम्ने नेपालके दल, सरकार खास कैंके जनता सचेत हुइना आवश्यक बा । यीपाछे मतदाताके प्रतिनिधिउपपर शासन करना जनमुखी सिद्धान्त स्थापित हुइठ । यी कार्य राज्य पदाधिकारीसे यज्ञ करल जस्टे कैंके करेपरना अवस्था बा । जे कुछ सहजिल कहल नैहो । मतदाताके खोजाइमे नतिजा जन्मठ । मतदाताके बोलीमें व्यवहार जन्मठ । टबमारे सही उपचार मतदातामें हुइठ । उ उपचार निर्वाचनमार्फत हुइठ । उल्लेखित सिद्धान्तके आधारमें फागुन २१ मे चुनाव ओ ओकरपाछे नयाँ नेतृत्वके सरकार ओ संविधान संशोधनसहितके मार्ग पहिल्यइना श्रेयस्कर बा ।

नेपालके संविधानसे फेन हुइटिरहल संवैधानिक निकायहे १० वर्षमें पुनरवलोकन करना व्यवस्था करल बा । निर्वाचन प्रणाली, शासकीय स्वरूप, संवैधानिक निकायके प्रभावकारिता, न्यायालयके शुद्धीकरण, राजनीतिक दल ओ नेताके पारदर्शिता ओ प्रतिबद्धता पूरा नैहुइलमे निर्वाचित प्रतिनिधि प्रत्याह्वानके व्यवस्था, भ्रष्टाचारीके सर्वस्व सम्पत्ति जफत ओ २० वर्ष कैदके व्यवस्था अब्बेक आवश्यकता हो । संघीय संसद् ओ प्रदेश सभा सदस्य संख्या घटैना, स्थानीय तहके संख्या फेन घटैना ओ अधिकार बहैना कार्यकारिणीमें फेन देश ओ भूगोल अनुसार संख्मे १५ जाने ओ प्रदेशमें पाँच जाने मन्त्री रना नीति उपयुक्त बा ।

पूर्ण समानुपातिक संसदीय निर्वाचन, कार्यकारी प्रत्यक्ष निर्वाचित, गैरदलीय स्थानीय तह फेन आवश्यक बा । संवैधानिक परिषद्, न्याय परिषद्, संविधानके भाग २७ के आयोग भाग ३३ के प्रावधान आब कत्रा उपयोगी बटैं ? खास कैंके संविधानके अनुसूची व्यापक रूपमें परिमार्जन करना आवश्यक बा । यी बाटके छलफल ओ प्रतिवेदन तयार परना नेपालके संविधान मसौदामे संलग्न व्यक्ति, हाल संविधान संशोधन माग करना व्यक्ति वा संस्था वा आन्दोलनकारीके प्रतिनिधि रहल आयोग बनैना वाञ्छनीय बा ।

सामार: गोरखापत्र दैनिकसे

संधियारको नाममा जारी १५ दिने सूचना

यस उपमहानगरपालिकाको वडा नम्बर ४ न्युरोड टोल स्थित कित्ता नं. १३८६ क्षेत्रफल ३३८.६३ वर्गमिटरमा भवन निर्माण गर्ने घरधनी श्री हर्कबहादुर खड्काले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पुर्व: सागरकुमार थापा पश्चिम: निर्मला भण्डारी र पदमाकुमारी भट्ट

उत्तर: उजिर सिंह साउँद र दुर्गादेवी जोशी दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

संधियारको नाममा जारी १५ दिने सूचना

यस उपमहानगरपालिकाको वडा नम्बर ७ स्थित कित्ता नं. १४४२ क्षेत्रफल १६९.८१ वर्गमिटरमा भवन निर्माण गर्ने घरधनी श्री कृष्णबहादुर रोकायले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबूत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण

पुर्व: रमिताकुमारी रोकाया पश्चिम: लखन गिरी

उत्तर: बन्धना पुनमगर र देवु खड्का दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

आठौँचो चुनाव लर्ना तयारीमे देउवा

डडेल्धुरा, २८ अगहन । प्रतिनिधि सभा सदस्यके लाग एकठो किल निर्वाचन क्षेत्र रहल डडेल्धुरामे नेपाली कांग्रेसके सभापति शेरबहादुर देउवा आठौँचो चुनाव लर्ना सम्भावना बहल बा ।

२०४८ सालसे चुनाव जिट्टी आइल सभापति देउवा आठौँचो वहाँसे चुनाव लर्ना तयारीमे रहल जिल्लाके नेताहुके बटैटै । आगामी फागुन २१ गते हुइना कहल निर्वाचनमे उ क्षेत्रसे कांग्रेस जिल्ला कार्य समिति डडेल्धुरासे पूर्वप्रधानमन्त्रीसमेत रहल देउवाके एकल नाउँ केन्द्रीय कार्यालयमे सिफारिस करल डडेल्धुराके सभापति भीमबहादुर साउद जानकारी डेलै । उहाँके अनुसार बुधके बैठल कांग्रेस डडेल्धुराके बैठकसे कांग्रेस सभापति एवं पूर्वप्रधानमन्त्री देउवाके नाउँ एकल रूपमे सिफारिस कैना निर्णय कैके सुदूरपश्चिम प्रदेश कमिटीमे सिफारिस करल बा ।

डडेल्धुरा कांग्रेसके नेतासँग उहीसे आधे नै देउवा अन्तिमचो प्रतिनिधि सभा निर्वाचन लर्ना बटासेकल रहे । देउवा उहीसे आधे २०४८, २०५१, २०५६, २०६४, २०७०, २०७४ ओ २०७९ मे डडेल्धुरासे विजयी होसेकल बटै । ओस्टके समानुपातिकमे नरभान कामी, मानकुमारी थापा, तारक बुढाएर, वसन्ती भण्डारी ओ ईश्वरी चन्दके नाउँ



सिफारिस करल बा । राष्ट्रिय सभा सदस्यके लाग भीमबहादुर साउद ओ रघुवर भट्टके नाउँ सिफारिस करल उहाँ जानकारी डेलै । नरभान कामी २०७० के निर्वाचनमे समानुपातिकसे संविधान सभा सदस्य रहल रहित ।

राष्ट्रिय सभा सदस्यमे नाउँ सिफारिस हुइल भीमबहादुर साउद कांग्रेस डडेल्धुरा सभापति हुइत । २०७४ के स्थानीय तहके निर्वाचनमे परशुराम नगरपालिकामे उम्मेदवार रहल उहाँ नगरप्रमुख होसेकल बटै । ओस्टके रघुवर भट्ट कांग्रेस डडेल्धुराके पूर्वसभापति हुइत । उहाँ तत्कालीन जिल्ला विकास समितिके सभापति फेन हुइत कलेसे २०७४ के निर्वाचनमे सुदूरपश्चिम प्रदेश सभा सदस्यके लाग क्षेत्र 'क' से उम्मेदवार हुइबर पराजित हुइल रहित ।

उपकुलपतिके लाग टेसरचो आवेदन आह्वान

पहुरा समाचारदाता

धनगढी, २८ अगहन । कैलालीके गेटामे खुले लागल दशरथ चन्द स्वास्थ्य विज्ञान विश्वविद्यालयमे उपकुलपति नियुक्तिके लाग दुईचो दरखास्त आह्वान कैलेसे फेन सम्भावित योग्य पात्र नैभेटाइलपाछे टेसरचो पुनः आवेदन आह्वान करल बा ।

मन्त्रालयसे उपकुलपति नियुक्तिके लाग पहिलचो कात्तिक १६ गते १५ दिनके म्याद टोकके दरखास्त आह्वान करल रहे । उक्त अवधिमे कोइ फेन आवेदन नैदेहलपाछे पाँच दिनके म्याद टोकके

डोसरचो आवेदन आह्वान करल रहे । डोसर दिनके म्याद अगहन ५ गते (शुक्रके) ओराइल रहे ।

यीबेलासम उपकुलपति नियुक्त कैके कार्यस्थलमे पठासेके पनामे फेनसे टेसरचो आवेदन आह्वान करल बा । यी बेर फेन योग्य आवेदकसे आवेदन डेढी कि नैडेढी कनामे मन्त्रालयसे शंका व्यक्त करले बा । शिक्षा, विज्ञान तथा प्रविधिमन्त्री महावीर पुन समेत कुछ समयआघे उक्त विश्वविद्यालयके लाग उपकुलपति नैपाके हैरान हुइल बटाइल रहित ।

ओ घेराबारके अवस्थाबारे फेन सूक्ष्म रूपसे अध्ययन कैटी आइल निर्वाचन कार्यालय सुदूरपश्चिम प्रदेशके प्रमुख प्रेमराज भट्ट बटैलै ।

कैलालीमे १८ हजार २१३ लावा मतदाता थपल बटै । आँठाछाप ओ फोटोसहित राष्ट्रिय परिचयपत्रके विवरणके आधारमे अनलाइन विधिसे नाउँ दर्ता करैना व्यवस्थासमेत करल रहे ।

सुदूरपश्चिम प्रदेश निर्वाचन कार्यालयके प्रमुख प्रेमराज भट्ट आगामी फागुन २१ गते हुइना प्रतिनिधि सभा सदस्य निर्वाचनके लाग युवापुस्ताके मतदाता ढेर थपल जानकारी डेलै । जिल्ला निर्वाचन कार्यालय कैलालीसे हालसम जिल्लामे पाँच लाख ३५ हजार ३४४ जाने मतदाता रहल जनाइल बा । थपल मतदातासहितके पाछेक वास्तविक विवरण करलपाछे प्रकाशन हुइना प्रदेश निर्वाचन कार्यालयके प्रमुख प्रेमराज भट्टके कहाइ बा ।

संधियारको नाममा जारी १५ दिने सूचना

यस उपमहानगरपालिकाको वडा नम्बर ५ पिपल चौतारा, जाई स्थित कित्ता नं. ४६२ क्षेत्रफल १६९.३१ वर्गमिटरमा भवन निर्माण गर्ने घरधनी श्री आशाराम चौधरीले यस उमनपामा पेश गरेको नक्सा बमोजिमको भवन निर्माण गर्न संधियारको नाममा सूचना प्रकाशित गरिएको छ । निवेदन साथ पेश हुन आएको प्रमाण र नक्साको आधारमा निर्माण स्वीकृति दिँदा तपाईंको जग्गाको हानिनोक्सानी हुन्छ, हुँदैन, सन्धि सर्पन हानिनोक्सानी हुने भए यो सूचना प्रकाशित भएको मितिले १५ दिनभित्र सबुत प्रमाणसहित नगरपालिकामा उजुर गर्न सुचित गरिन्छ । अन्यथा कानून बमोजिम नक्सापास भै जाने व्यहोरा सम्बन्धित सबैको जानकारीको लागि अनुरोध छ ।

१. निर्माण निमित्त प्रस्तावित जग्गाको चार किल्लाको विवरण
पुर्व: सडक
उत्तर: मिनबहादुर शाह
पश्चिम: गोमाकुमारी अधिकारी
दक्षिण: सडक

धनगढी उपमहानगरपालिका

नगर कार्यपालिकाको कार्यालय, धनगढी, कैलाली

कञ्चनपुरसे ३३ जनहन्तके नाउ सिफारिस

आगामी फागुन २१ गते हुइना प्रतिनिधि सभा सदस्य निर्वाचनके लाग नेपाली कांग्रेस जिल्ला कार्य समिति कञ्चनपुरसे तीन निर्वाचन क्षेत्रसे उम्मेदवारके नाउँ सिफारिस करले बा । कांग्रेससे कञ्चनपुर क्षेत्र नं. १ से दुई नेताहे उम्मेदवारके लाग सिफारिस करले बा । चार जाने आकांक्षी डेखलपाछे क्षेत्र नम्बर १ मे निर्वाचन करल रहे ।

क्षेत्रीय सभापतिसमेत रहल गोपालीप्रसाद उपाध्याय ५२ ओ पुरान नेता भरत विष्ट ५८ मत पाके सिफारिस हुइल क्षेत्रीय सभापति गोपीप्रसाद उपाध्याय बटैलै । ओस्टके क्षेत्र नम्बर १ से समानुपातिक ओ राष्ट्रिय सभाओर भर सर्वसम्मत नाउँ सिफारिस करल बा । समानुपातिकओर सगुना राना, खिना भण्डारी, राष्ट्रिय सभा ओर युवा नेता हरेन्द्र विष्ट (होसियार) ओ प्रकाश पन्तसमेत सर्वसम्मत छनोट हुइल बटै । क्षेत्रीय सभापति उपाध्यायसे पार्टी केन्द्रके निर्णय अनुसार उम्मेदवार सिफारिस कैके उपर समितिमे पठाइल बटैलै ।

ओस्टके क्षेत्र नम्बर २ से प्रतिनिधि सभा प्रत्यक्षओर पूर्वमन्त्री एनपी साउँद, हरि बोहोरा ओ दलबहादुर बोहोरा

एक लाख १२ हजारके सामान नियन्त्रण

पहुरा समाचारदाता

कञ्चनपुर, २८ अगहन । कञ्चनपुर जिल्लाके टमान ठाउँसे एक लाख १२ हजार बराबरके सामान नियन्त्रणमे लेहल बा ।

भीमदत्त न.पा.३ भासी, वडा नम्बर ४ बसपाक ओ गोबरियासे अवैध रूपमे भारतसे भन्सार छलि करके ल्यानल

सिफारिस करल बावै । कांग्रेस केन्द्रीय सदस्य साउद २०७९ के आमनिर्वाचनमे क्षेत्र नम्बर २ से निर्वाचित हुइल रहित ।

ओस्टके समानुपातिकमे गणेश नेपाली ओ तौला राना सिफारिस हुइल बटै । राष्ट्रिय सभामे पुस्करराज ओझा, देवराज पाठक ओ ईश्वरी खाती सिफारिस हुइल बटै । कञ्चनपुर निर्वाचन क्षेत्र नम्बर ३ से फागुन २१ गते हुइना प्रतिनिधि सभा सदस्य निर्वाचनके लाग कांग्रेस केन्द्रीय सदस्य एवं पूर्वगृहमन्त्री रमेश लेखकसहित तीन जाने सिफारिस हुइल बटै । प्रतिनिधि सभा प्रत्यक्षमे लेखकसहित प्रेमबहादुर विष्ट ओ शंकरबहादुर चन्दके नाउँ उम्मेदवारके लाग सिफारिस करल बा ।

प्रतिनिधि सभामे विष्ट २०७९ के निर्वाचनमे फेन सिफारिसमे परल नेता हुइत । चन्द पहिलचो उम्मेदवार सिफारिस हुइल बटै । पूर्वगृहमन्त्री लेखक २०७९ के निर्वाचनमे क्षेत्र नम्बर ३ से निर्वाचित हुइल रहित । कांग्रेस कञ्चनपुर क्षेत्र नम्बर ३ के क्षेत्रीय सभापति केशव चन्द प्रतिनिधि सभा ओ राष्ट्रिय सभा सदस्य निर्वाचनके लाग उम्मेदवार सिफारिस करल बटैलै । ओस्टके प्रतिनिधि सभा समानुपातिकमे माया भट्ट, कल्पना केसी ओ हरि ठाकुर सिफारिस करल बावै ।

राष्ट्रिय सभा सदस्य निर्वाचनके लाग ३ नम्बरसे १३ जाने आकांक्षीके नाउँ सिफारिस करल बा । केन्द्रीय समितिके परिपत्र अनुसार कुछ निर्वाचन कैके तथा कुछ सर्वसम्मत रूपमे उम्मेदवारके नाउँ छनोट करल हो । सरकारके निर्णय अनुसार प्रतिनिधि सभा निर्वाचन फागुन २१ गते ओ राष्ट्रिय सभा निर्वाचन माघ ११ गते निर्धारण करल बा ।

होटेल् क्षेत्रके समस्या...

यहाँके होटेल मजा सेवा सुविधा डेलेसे फेन सुदूरपश्चिममे बाहुय पर्यटक आइ नैसेकना प्रमुख कारण विदेशी पर्यटकहे सुरक्षा तथा घुमफिरमे सरकारी नीति प्रभावकारी नैरहल होटेल डिभोटीके महाप्रबन्धक तथा जनरल म्यानेजर हरिष भण्डारी बटैलै । उहाँ कहलै, 'यहाँ तमामौ पर्यटकीय स्थल बावै । ओम्ने फेन धार्मिक स्थल बावै, भारतके उत्तर प्रदेश ओ उत्तराखण्डके पर्यटकहे किल भित्र्याए सेक्लेसे फेन होटेल व्यवसाय फस्टैना समय नैलागी ।'

अपने जिल्ला प्रशासन कार्यालयसे १२ बजेसमके अनुमति लेके इन्ड्रेणी दोहोरी साँझ सञ्चालनमे लन्लेसे फेन अब्बे आके प्रशासनसे नै समय घटाके १० बजे राखल गुनासो पोछ्छी इन्ड्रेणी दोहोरी साँझके सञ्चालक राधिका लम्साल कहली, 'रात्रिकालीन व्यवसायमे ढेर समस्या बावै, ओम्ने फेन दोहोरी साँझ टे फन साँझ ७ बजेसे सुक हुइ, व्यवसाय पिकअप लेना समय कहलक ९, १० बजेसे रात १२ बजेसम हो, मने उहे समयमे बन्द कैडेना दुःखद हो । ओकर लाग प्रशासनसे कुछ सोचे परल ।'

बहस कार्यक्रममे बोल्टी कैलालीके

प्रमुख जिल्ला अधिकारी हिरालाल रेग्मी यहाँके शान्ति सुरक्षाके विषयमे अपने गम्भीर बनल बटैलै । उहाँ कहलै, 'शान्ति सुरक्षाहे ध्यानमे राख्छी होटेल व्यवसायमे कबुकाल चेकिङ हुइना । जिहीसे होटेल व्यवसायी क्षेत्रमे पनि गलत तथा अवैधानिक गतिविधि नहोए कना हो ।' उहाँ रात्रिकालीन समयमे व्यवसाय करे पैना कार्यविधि हुइलेसे फेन उहीहे कौनो निश्चित ठाउँ रलेसे अलगौ सुरक्षा फोर्सहे खटाए सेक्ना रहे । मने, यहाँ छिटकके रहल ठाउँमे रात्रिकालीन व्यवसाय करेबर सुरक्षा चुनौती बहे सेक्ना बटैलै । उहाँ कहलै, 'जेनजी आन्दोलनपाछे सुरक्षा चुनौती थपल ओ फेनसे निर्वाचन आइ लागल ओरसे फेन निर्वाचन लक्षित सुरक्षा रणनीति रहल ओरसे अब्बे रात्रिकालीन व्यवसाय सञ्चालनमे सोचे सेक्ना अवस्था नैहो । निर्वाचनपाछे भर उबारे सरोकारवाला निकायसंगके छलफलमे करे सेकजाइ ।'

सुदूरपश्चिम महोत्सवमे यी बरससे कैलाली उद्योग वाणिज्य संघसे मनोरञ्जनात्मक कार्यक्रमके साथे बिहानके समयमे भिजन सुदूरपश्चिम नामक बहस कार्यक्रम सुरुवात करले बा ।

डिवश ड्राईभिङ सेन्टर

दक्ष चालक बना
सक्क सैद्धान्तिक तथा
व्यवहारिक ज्ञान देना
प्रयास हमार, सफलता
अपनेके ।

सीप सिकी, स्वरोजगार बनी

विद्यार्थी ओ ग्रुपमे अउईयाहुकनहे विशेष छुटसहित...

हमार यहाँ दक्ष प्रशिक्षकहुकनसे मोटर साईकल, स्कुटी, कार, जीप ग्यारेन्टीके साथ ड्राईभिङ सिखैनाके साथे फोटोग्राफीके सुविधा समेत उपलब्ध बा ।

नोट: साथै बुरसे अउईया विद्यार्थीके लाग बैटन व्यवस्था समेत उपलब्ध बा । समयमे सक्क सिकाइ विद्यार्थीहुकनहे सम्पर्क कैना सहर्ष जानकारी कराइटी ।

धनगढी, चटकपुर कैलाली फोन. ०९१-४१०२३७ मो.९८४८४३९६५५

पाठकवर्गसे अनुरोध

प्रिय पाठकवर्ग, पहुरा मिडिया प्रालिसे सन्चालित पहुरा दैनिक ओ पहुरा अनलाइनमे हमार सकेसम थारुपन लन्ना कोशिश जारी बा । विचार पेजमे थारु लगायत अन्य जनजातिनके आवाज हमार पहिला प्राथमिकता हो । अपन मनेम लागल उकुसमुकुस बाट अपनेनके फे लिख्के पठाइ सेकि । अपनेक विचार लम्मा हुइ परठ कना नइ हो । आइ कलम पक्ति, अपन मनक बाट ढेरसे ढेन जनहन बाँटि । पहुरा अनलाइनमार्फत अपन बाट संसार भर पुगाइ ।

-सम्पादक

सुदूरपश्चिम प्रदेशको अत्याधुनिक सुविधा सम्पन्न हस्पिटल

Hasanpur, Dhangadhi-5, Kailali, Nepal
091-527000/01/02, 9865680100, 9804600745
www.nisargahospitalnepal.com / nisargahospitalnepal

Advanced Healthcare for all...

निसर्ग हस्पिटल
एण्ड रिसर्च सेन्टर प्रा.लि.

विशेषज्ञ डाक्टर तथा ओ.पि.डी सेवाहरु

जनरल फिजिसियन (पेट, छाती, मुटु) रोग विशेषज्ञ	रेडियोलोजी विशेषज्ञ	न्युरो, मसिका, तथा तथा मेरुदण्ड रोग विशेषज्ञ	हाडजोर्नी तथा स्पोर्ट्स फिजियोथेरापिस्ट
हाडजोर्नी तथा मसारा रोग विशेषज्ञ	जनरल तथा ल्याप्रोस्कोपिक सर्जन	स्त्री तथा प्रसूति रोग विशेषज्ञ	नवजात शिशु तथा बालरोग विशेषज्ञ
नाक, कान, घाँटी तथा थाइरोइड रोग विशेषज्ञ	एनेस्थेसिया तथा क्रिटिकल केयर विशेषज्ञ	मुख, अनुहार तथा बङ्गारा विशेषज्ञ	मानसिक तथा नशा रोग विशेषज्ञ
छाला, यौन, कुष्ठरोग तथा सौन्दर्य विशेषज्ञ	मृगौला तथा मुत्ररोग विशेषज्ञ	मुटु रोग विशेषज्ञ	

अख्तियारमे साढे चार सय उजुरी, १५० उजुरीउपर विस्तृत अनुसन्धान

कञ्चनपुर, २८ अगहन । अख्तियार दुरुपयोग अनुसन्धान आयोगके कार्यालय कञ्चनपुरमे चालु आर्थिक आवक अगहन डोसर अठ्ठवारसम चार सय ४४ उजुरी दर्ता हुइल बावै । आर्थिक बरस २०८२-०८३ मे दर्ता हुइल चार सय ४४ ओ आधेक बरसके जिम्मेवारी सरके आइल चार सय ६२ सहित ९०६ उजुरीके दर्ता हुइल आयोगके कार्यालय जनैले बा ।

कार्यालयके सूचना अधिकारी चेतनराज भट्टके अनुसार, अख्तियारमे परल उजुरीमध्ये अत्यधिक शैक्षिक क्षेत्रमे हुइना भ्रष्टाचार सम्बन्धित बावै । चालु आवक अगहन डोसर अठ्ठवारसम शिक्षासम्बन्धी १७४ उजुरी अख्तियारमे दर्ता बावै । विद्यालयके दिवा खानामे करल भ्रष्टाचार, विद्यालय शिक्षकके सख्वा, भवन निर्माण, सामग्री खरिद, पुस्तकालयमे हुइल भ्रष्टाचार अनियमिततासम्बन्धी मुद्दाके अख्तियारमे दर्ता रहल बावै ।

कार्यालयके अनुसार, स्थानीय तहसम्बन्धी एक सय तीन उजुरी दर्ता हुइल बावै । ओस्टके, वन वातावरणसम्बन्धी १०६ उजुरी, भौतिक पूर्वाधारसम्बन्धी ११४, स्वास्थ्य क्षेत्रके ५३ उजुरी दर्ता हुइल सूचना अधिकारी भट्ट बटैलै ।

उहाँके अनुसार, ५० प्रतिशत उजुरी स्थानीय तहसँग सम्बन्धित रहल बावै । स्थानीय तहमे हुइना नीतिगत भ्रष्टाचार तथा पूर्वाधार सामग्री खरिदलगायत निर्माणके नाउँमे अत्यधिक भ्रष्टाचारके उजुरी दर्ता हुइल उहाँ बटैलै ।

ओस्टके, सुदूरपश्चिमके कैलाली जिल्लासे अत्यधिक उजुरी दर्ता हुइल बावै । कार्यायके अनुसार, चालु आर्थिक बरसके हालसम कैलालीसे दुई सय २०



उजुरी यी आयोगके कार्यालयमे दर्ता हुइलमे ६६ उजुरी फछ्यौट करल बावै कलेसे, १५४ उजुरीउपर छानबिन हुइटी रहल बा ।

ओस्टके, कञ्चनपुरसे एक सय ६६ भ्रष्टाचारके उजुरी कार्यालयमे दर्ता बावै । जौनमध्ये ६७ उजुरी फछ्यौट करल बावै कलेसे ९९ उजुरी फछ्यौट हुइना बाँकी बावै ।

अछाम जिल्लासे ९० भ्रष्टाचारके उजुरी दर्ता हुइलमे १९ उजुरी फछ्यौट करल बावै, कलेसे ७१ उजुरीउपर अनुसन्धान आधे बहाइल बा । ओस्टके, बैतडी जिल्लाके ८० उजुरी अख्तियारमे दर्ता बावै । जौनमध्ये, १५ उजुरी चालु आवमे फछ्यौट करल बावै कलेसे ६५ उजुरी फछ्यौट हुइना बाँकी रहल कार्यालयके सूचना अधिकारी भट्ट बटैलै ।

ओस्टके, दार्चुला जिल्लाके ७४ उजुरी अख्तियारमे दर्ता बावै, जौन मध्ये १५ उजुरी फछ्यौट करल बावै कलेसे ५९ उजुरी फछ्यौट कैना बाँकी रहल बा ।

ओस्टके, बझाङसे ६७ उजुरी दर्ता हुइल सूचना अधिकारी भट्ट बटैलै । उहाँके अनुसार, बझाङके फेन

१५ उजुरी फछ्यौट करल बावै कलेसे ५२ उजुरीउपर अनुसन्धान आधे बहाइल बा ।

ओस्टके, डोटीके ६४ उजुरी दर्ता हुइलमे १३ उजुरी फछ्यौट करल बावै कलेसे ५१ उजुरी फछ्यौट हुइना बाँकी रहल कार्यालय जनैले बा । चालु आर्थिक बरसके हालसम सुदूरपश्चिमके डडेल्धुरा जिल्लाके न्यून उजुरी अख्तियारमे दर्ता हुइल कार्यालयके सूचना अधिकारी भट्ट बटैलै । उहाँके अनुसार, डडेल्धुरा जिल्लासे ५५ उजुरी दर्ता हुइलमे २१ उजुरी फछ्यौट करल बावै कलेसे ३४ उजुरी फछ्यौट हुइना बाँकी रहल बावै ।

कार्यालयके अनुसार, चालु आवके हालसम नयाँ दर्ता हुइल चार सय ४४ ओ जिम्मेवारी सरके आइल डेर अख्तियारमे जम्मा ९०६ उजुरी दर्ता हुइल बावै । जौनमध्ये ६५८ उजुरी फछ्यौट हुइ सेकल नैहो कलेसे २५४ उजुरी फछ्यौट करल सूचना अधिकारी भट्ट बटैलै ।

'दर्ता हुइल नौ सय ६ मध्ये, दुई सय ५४ फछ्यौट हुइल बावै,' सूचना अधिकारी भट्ट कहलै, '६ सय ५८ मुद्दा प्रक्रियाके क्रममे रहल बावै ।'

बजेट अइलेसे फेन खानेपानी नैआइल

बैतडी, २८ अगहन । खानेपानी योजनाके लाग गैल पाँच बरससे दुई करोड ९९ लाख रुपियाँ बजेट अइलेसे फेन बैतडी मेलौलीके ४२५ घरपरिवारके लाग खानीपानी आइल नैहो । खानेपानी योजना बनाउन सद्म ओ प्रदेश सरकारसे गैल पाँच बरससे लगातार बजेट अइलेसे फेन स्थानीयवासीके पानी पिना धोका पूरा हुइ सेकल नैहो ।

मेलौली नगरपालिका-९, विशालपुरके डिडीगाउँ, गर्जल, थपलेक, डाँफेपिल, मल्लेक, बर्तोला, रोकटा, कलमटा, सुकाललगायतके गाउँ एक गाप्पी पानीके लाग दिनभर पाला लागे पर्ना हुइल बटै । गाउँमे खानेपानीके आपूर्ति हुइटी अइलेसे फेन असुर-रोकटा खानेपानीके मुहान सुखके पानीके हाहाकार हुइना करल बा ।

गाउँमे रहल पानीके मुहान सुखी जाइ लागलपाछे विकल्पमे मेलघट-कंदारमाडौं लिफ्ट खानेपानी योजनाके माग करल रहे । ओकर लाग निरन्तर पाँच बरससे बजेट आइल बा मने योजना सुरु नैहुइल वडाध्यक्ष लोकराज भट्ट बटैलै । उहाँ कहलै, "आर्थिक बरस २०७८/७९ मे संघ सरकारसे नगरपालिकामे दुई करोड रुपियाँ आइल रहे । डिपिआर बनाके बाँकी बजेट फ्रिज हुइल रहे । औरे बरस बरस प्रदेश सरकारसे नौ लाख रुपियाँ आइल । प्रदेशके योजना फेन डिपिआरमे ओरागैल । आव २०७९/८० मे ५० लाख रुपियाँ आइल मने कार्यान्वयन नैहुइल । आव २०८१/८२ मे ३० लाख ओ चालु आव २०८२/८३ मे प्रदेश सरकारसे १० लाख रुपियाँ आइल बा । अबबेसम कार्यान्वयन हुइ सेकल नैहो ।"

चिसो मौसममा सुरक्षित रहौं ।

चिसो मौसममा:

- ❖ तातो तथा न्यानो कपडा लगाऔं,
- ❖ तातो, पोषिलो र झोलिलो खानेकुरा खाऔं,
- ❖ घर तथा कोठा न्यानो बनाऔं,
- ❖ बालबालिका र वृद्धहरूलाई चिसोबाट जोगाऔं,
- ❖ न्यानो सिरक ओढेर सुत्ने गरौं,
- ❖ जाडो मौसममा घाम तथा आगो ताप्ने गरौं,
- ❖ चिसोमा हिँडडुल (मर्निङ वाक) नगरौं,
- ❖ कुनै समस्या देखिए तुरुन्त स्वास्थ्य संस्थामा सम्पर्क गरौं ।

सावधानी अपनाऔं, स्वस्थ रहौं ।



ग्राहक वर्गहरूमा खुशीको खबर !

हाम्रो यहाँ सबै कम्पनीका रि-कण्डिसन मोटरसाइकलहरू पाइनुका साथै समेत पनि गरिन्छ र सबै कम्पनीका हेलमेट र पार्टसहरू थोक तथा खुद्रा मूल्यमा पाइन्छ ।
कुनै पनि मोटरसाइकल नगद खरिद गरेमा आकर्षक उपहारको व्यवस्था रहेको जानकारी गराउँदछौं ।



संजय अटो सेल्स एण्ड रि-कण्डिसन

धनगढी-४, उत्तरबेहडी (चटकपुर शहिद गेट भन्दा दुईसय मिटर पूर्व)

फोन नं. ०९१४१०१०५, सुजित मो. ९८५८४२३९१२, सुनिल मो. ९८६७७९३५२१, महेश मो. ९८१३१३१०२९

सुवर्ण अवसर ! सुवर्ण अवसर !! सुवर्ण अवसर !!!



कैलाली अस्पताल प्रा.लि

Provide Health Related Services

सेवाहरू:

- ✓ मधुमेह(सुगर)
- ✓ थाइराइड रोग
- ✓ पेट,मुटु तथा छातिरोग
- ✓ कलेजो रोग
- ✓ TB, हेपाटाइटिस रोग
- ✓ ब्लडप्रेसर तथा हृदयरोग
- ✓ मोटोपना

डा. अकाश राउत

MBBS, MD (TU), Internal Medicine
Senior Consultant Physician
NMC NO. 20304

➤ आउने समय : प्रत्येक दिन (२४ सै घण्टा)

डाक्टर आउने समय : प्रत्येक दिन, आकस्मिक सेवा (चिकित्सक) २४ घण्टा

हाम्रा सेवाहरू : १) २४ घण्टा ईमर्जेन्सी सेवा, फार्मेसी सेवा, अत्याधुनिक प्याथोलोजी, रंगीन इण्डोस्कोपी, डिजिटल एक्सरे, रंगीन भिडियो एक्सरे, अत्याधुनिक अप्रेसन थियटरबाट सेवा, वातानुकूलित एम्बुलेन्स, वातानुकूलित क्याबिन ।
२) स्त्री रोग तथा प्रसूती सम्बन्धी सेवा (बोकोपन, सेतोपानी बग्ने, तल्लो पेट दुख्ने, महिनावारी गडबडी, पाठेघर खस्ने, पाठेघरको अप्रेसन, गर्भवती तथा सुत्केरी सेवा) । ३) ल्याप्रोस्कोपी तथा जनरल सर्जरी (हाइड्रोसिल, हर्निया, पायल्स, फिस्टुला, स्तनमा गाँठागुठी आउने, शरिरका विभिन्न भागमा गाँठागुठी, घाउ छटिरा, पत्थरी, किडनीको पत्थरी, प्रोस्टेटको अपरेसन तथा पित्तथैलीको पत्थरी अप्रेसन) । ४) हाड(जोर्नी तथा नशा सम्बन्धी सेवा (हाटखुट्टा बाङ्गो, फ्याक्चर, हाडजोर्नीको दुखाई, कम्मर दुख्ने तथा अत्याधुनिक मेसिनबाट हड्डीको अप्रेसन)छाती, मुटु, कलेजो तथा पेट सम्बन्धी सेवा । ५) यौनरोग, कपाल तथा छाला रोग सम्बन्धी सेवा । ६) मानसिक तथा मनोरोग सेवा । ७) नाक, कान, घाँटी रोग सम्बन्धी सेवा । ८) मुर्छा पर्नु, टाउको दुख्ने जस्ता समस्याहरू, प्यारालाइसिस हाटखुट्टा नचल्ने सम्बन्धी सेवा । ९) न्यूरो (नशा रोग) लागुपदार्थ दुर्व्यसनी, कुलत सम्बन्धी, हाटखुट्टा भ्रमभ्रमाउने, छारे रोग । १०) आगोले पोलेको हाटखुट्टा बाङ्गिएको र खुँडेको अप्रेसन आदि सेवा ।

कैलाली अस्पताल प्रा.लि

जिल्ला प्रशासन कार्यालय अगाडि, पशुपति टोल, धनगढी, कैलाली

फोन नं. ०९१-५२४५५५, ५२४६५४, ५२९२४९

पेट, छाती, मुटु तथा थाईराइड विभाग

उपचार हुने रोगहरू

- उच्च रक्तचाप, दम तथा मुटु रोगको उपचार
- सुगर (मधुमेह), थाईराइड रोगको उपचार तथा परामर्श
- मिर्गी रोग, प्यारालाइसिस (पक्षाघात) तथा अन्य नशा सम्बन्धी रोगको उपचार
- छाती दुख्ने, पेट दुख्ने समस्याको उपचार
- ज्वरो आउने, टाउको दुख्ने तथा पुरानो जटिल रोगको उपचार तथा परामर्श
- सिकल सेलरोग तथा अन्य रगत कम (Anemia) को उपचार तथा परामर्श

२४ सै घण्टा आकस्मिक उपचार

ओ.पि.डी. सेवा प्रत्येक दिन (बिहान ८ देखि साँझ ५ बजेसम्म)



डा. सुमन चौधरी

MBBS, MD (KU)
NMC No. 15308

कन्सल्टेन्ट फिजिसियन



धनगढी

संजिवनी अस्पताल प्रा. लि.

९ (राष्ट्र बैंक चौक, धनगढी-५) ☎ सम्पर्क नं. ०९१-५९०३२८, ९७६४२१२७२७, ९७६९९३२१०५